



**Shoqata e Vlerësuesve të Pavarur
të Kosovës**



Kolegji ESLG

MEMORANDUM PËR BASHKPUNIM DHE NJOHJE TË NDËRSJELLTË

NDËRMJET

Kolegjit "ESLG"- Prishtinë

dhe

Shoqatës së Vlerësuesve të Pavarur të Kosovës

I. Qëllimi i Memorandumit

1. Me këtë memorandum palët nënshkruese kanë shprehur vullnetin e mirë dhe gatishmërinë për bashkëpunim dhe njohje të ndërsjellët, duke synuar arritjen e standardeve evropiane dhe ndërkombëtare të vlerësimit të paluajtshmërive, ngritjen dhe zhvillimin e mëtejshëm të njohurive profesionale të vlerësuesve të paluajtshmërive dhe duke synuar ndërlidhjen e mësimit akademik në ESLG me punë praktike të vlerësuesve të licencuar të paluajtshmërive dhe anasjelltas;

II. Fushëveprimtaria

Bashkëpunimi i ndërsjellët i palëve do të realizohet në këto fusha:

1. Shoqata e Vlerësuesve të Pavarur të Kosovës zotohet se do të ofrojë këshillat e saj për përpilimin e planprogrameve moderne të lëndëve përkatëse në programin Menaxhimi i patundshmërive dhe Infrastrukturës niveli master sipas kërkesave të Shoqatës së Gjeodetëve të Kosovës aty ku është e mundshme ;
2. Ofrimi i trajnimeve modulare nga ana e Kolegjit ESLG për vlerësuesit e anëtarësuar në Shoqatën e Vlerësuesve të Pavarur të Kosovës sipas kërkesave të Shoqatës së Vlerësuesve të Pavarur të Kosovës dhe pranimi i këtyre module trajnuese si arsimim formal në formë të kredive ECTS në

Memorandum Bashkëpunimi ndërmjet Kolegjit ESLG dhe Shoqatës së Vlerësuesve të Pavarur të Kosovës

V.H

- nivelin master për ata që dëshirojnë të studiojnë në programin Menaxhimi i Patundshmërive dhe Infrastrukturës Niveli Master;
3. Stafi akademik i Kolegjit ESLG ofron ndihmën këshilldhënëse për Shoqatën e Vlerësuesve të Pavarur të Kosovës në fushën e legjislacionit të vlerësimit të paluajtshmërive, respektivisht në aspektet teknike që ndërlidhen me standardet evropiane dhe ndërkombëtare të vlerësimit të paluajtshmërive;
 4. Shoqata e Vlerësuesve të Pavarur të Kosovës nxit anëtarët e saj që të regjistrojnë studimet master në programin Menaxhimi i Patundshmërive dhe Infrastrukturës Master;
 5. Kolegji ESLG nxit studentët e diplomuar në nivelin master që të licencohen si vlerësues të pavarur të paluajtshmërive dhe të anëtarësohen në Shoqatën e Vlerësuesve të Pavarur të Kosovës;
 6. Organizimi i përbashkët i aktiviteteve në fusha të ndryshme nëpërmjet simpoziumeve, konferencave, debateve rreth standardeve dhe praktikave më të mira në fushën e standardeve evropiane dhe ndërkombëtare të vlerësimit të paluajtshmërive;
 7. Qasje në projekte të ndërsjellta, nëpërmjet të cilave do t'u mundësohet pedagogëve, studentëve dhe stafit udhëheqës dhe menaxhues, të kenë mundësi të përfshihen në projekte të përbashkëta që do të ndërmerren nga Kolegji "ESLG" dhe Shoqata e Vlerësuesve të Pavarur të Kosovës;
 8. Konkurrimi në projekte të përbashkëta vendore, ndërkombëtare, nëse ndërmjet palëve ekziston vullneti dhe dëshira.
 9. Nëse Kolegji siguron ndonjë donacion që i referohet lëmisë së vlerësimit obligohet që të angazhojë SHVPPK-në për kryerjen e vlerësimeve eventuale. Angazhimi do të mbështetet me marrëveshje të ndërsjellë.

III. Përdorimi i informatave dhe dokumentacioni

1. Palët pajtohen që çdo informacion, dokument apo të dhëna, të shkëmbyera apo të pranuar sipas këtij Memorandumi, do të përdoren vetëm për qëllime të lejuara dhe brenda përkufizimeve të përcaktuara me këtë dokument. Palët nuk do të shpërndajnë apo bëjnë publike asnjë informacion, dokument apo të dhëna ndonjëherë palë për qëllime tjera, jashtë përkufizimeve të përcaktuara me këtë Memorandum apo që mund të bien ndesh me frymën e këtij, pa aprovim paraprak të palës tjetër.
2. Palët do të përdorin dhe trajtojnë çdo informacion, dokument apo të dhëna si komunikim të ndërsjellët me besueshmëri të plotë.

IV. Dispozitat e Fundit

1. Çdo mosmarrëveshje, keqkuptim apo keqinterpretim në realizimin e këtij Memorandumi do të zgjidhet në frymën e tolerancës, mirëkuptimit dhe brenda kuadrit të etikës morale;
2. Ky Memorandum hynë në fuqi në ditën e nënshkrimit;
3. Ky Memorandum është përpiluar në katër kopje identike, dhe secila palë merë nga dy kopje.

Prishtinë, më 10.11.2015

PALËT NËNSHKRUESE

Shoqata e Vlerësuesve të Pavarur të Kosovës

Kolegji "ESLG"

Kryetari i Shoqatës

Kryetari Bordit

Riza Blakaj

Dr. Visar Hoxha



